

Boletín Nº 297. Martes, 29 de diciembre de 1998

- III. ADMINISTRACIÓN LOCAL - III.2 MUNICIPAL - PORTO DO SON

ANUNCIO Pág. 11071 Reg. 20414-PD / 19024.

Anterior

Siguiente

Ordenanzas fiscais

Aprobada definitivamente a modificación das ordenanzas fiscais das taxas que de seguido se detallan, xa que logo non se produciron reclamacións contras as mesmas, publícanse integramente, dando cumprimento ó establecido no artigo 17 da Lei 39/1988, do 28 de decembro.

5.º .-ORDENANZA NÚMERO 9.- ORDENANZA REGULADORA DA TAXA POR INSTALACIÓN DE QUIOSCOS NA VÍA PÚBLICA

Artigo 1.º .-Concepto.

De conformidade co previsto no artigo 20 A) da Lei 39/88, do 28 de decembro, reguladora das Facendas Locais, modificada pola Lei 25/1998, do 13 de xullo, este Concello establece a taxa por utilizacións privativas ou aproveitamentos especiais que se deriven das instalacións de quioscos na vía pública, especificados na cota contida no apartado 2 do artigo 5.º seguinte, que se rexerá pola presente ordenanza.

Artigo 2.º .-Feito imponible.

Está constituído pola utilización privativa ou aproveitamento especial do dominio público derivados das instalacións de quioscos na vía pública especificados na cota desta ordenanza.

Artigo 3.º .-Suxeito pasivo.

Son suxeitos pasivos, en concepto de contribuíntes, as persoas físicas ou xurídicas e as entidades ás que se refire o artigo 33 da Lei Tributaria:

Que gocen, utilicen ou aproveiten especialmente o dominio público local en beneficio particular, conforme a algún dos supostos previstos no artigo 20.3 da Lei de Facendas Locais.

Están obrigados ó pagamento da taxa regulada nesta ordenanza as persoas ou entidades a prol de quen se outorguen as licencias, ou quen se beneficien do aproveitamento, se se procedeu sen a oportuna autorización.

1.-En concreto, a obriga de pagamento da taxa regulada nesta ordenanza nace:

Tratándose de concesións de novos aproveitamentos da vía pública, no momento de solicita-la correspondente licencia.

Tratándose de concesións de aproveitamentos xa autorizados, o primeiro día de cada un dos períodos naturais de tempo sinalados na cota.

2.-O pagamento da taxa realizarase:

Tratándose de concesións de novos aproveitamentos, por ingreso directo na Tesourería municipal ou onde establecese o Concello, pero sempre antes de retira-la correspondente licencia.

Este ingreso terá carácter de depósito previo, de conformidade co disposto no artigo 47.1 da Lei 39/1988, do 28 de decembro, quedando elevado a definitivo ó se concede-la licencia correspondente.

b) Trátándose de concesións de aproveitamentos xa autorizados e prorrogados, unha vez incluídos nos padróns ou matrículas desta taxa, por trimestres naturais nas oficinas de Recadación municipal, dende o día 16 do primeiro mes do trimestre ata o día 15 do segundo mes.

Artigo 4.º.-Categoría das rúas ou polígonos.

1.-Para os efectos previstos para a aplicación da cota do apartado 2.º do artigo 5.º seguinte, as vías públicas deste municipio clasifícanse en tres categorías.

2.-Anexo a esta ordenanza figura un índice alfabético das vías públicas deste municipio con expresión da categoría que corresponda a cada unha delas.

3.-As vías públicas que non aparezan sinaladas no índice alfabético serán consideradas de última categoría, permanecendo clasificadas así ata o 1 de xaneiro do ano seguinte a aquel no que se aprobo polo Pleno desta corporación a categoría correspondente e a súa inclusión no índice alfabético de vías públicas.

4.-Cando o espazo afectado polo aproveitamento estea situado na confluencia de dúas ou máis vías públicas clasificadas en distinta categoría, aplicarase a cota que corresponda á vía de categoría superior.

5.-Os parques, xardíns e devesas municipais serán considerados vías públicas de primeira categoría.

6.-Os aproveitamentos realizados en terreos de propiedade municipal tributarán como efectuados na vía de maior categoría coa que linden.

Artigo 5.º.-Contía.

1.-A contía da taxa regulada nesta ordenanza será a fixada na cota contida no apartado seguinte, atendendo á categoría da rúa onde radique o quiosco e en función do tempo de

duración do aproveitamento e da superficie, da cal a ocupación queda autorizada en virtude da licencia, ou a realmente ocupada, se fose maior.

2.-A cota da taxa será a seguinte:

| CLASE DE INSTALACIÓN | CATEGORÍA DAS RÚAS | | |
|---|--------------------|--------|-------|
| | 1ª | 2ª | 3ª |
| A) Quioscos dedicados á venda de bebidas alcólicas, cafés, refrescos, etc. Por m ² e trimestre. PESETAS | 1.440 | 720 | 680 |
| B) Quioscos dedicados á venda de prensa, libros, expendedoría de tabaco, lotería, lambetadas, etc. Por m ² e trimestre. PESETAS | 1.440 | 720 | 680 |
| C) Quioscos dedicados á venda de xelados, refrescos e demais artigos propios de tempada e non determinados expresamente noutro epígrafe desta ordenanza, cun mínimo de dez metros cadrados. PESETAS | 14.400 | 11.520 | 4.800 |
| D) Quioscos de masa frita. Por cada m ² e trimestre. PESETAS | 680 | 680 | 530 |
| E) Quioscos destinados á venda de cupóns de cegos. Por m ² e trimestre. PESETAS | 150 | 150 | 150 |
| F) Quioscos destinados á venda de flores. Por m ² e trimestre. PESETAS | 680 | 680 | 530 |
| G) Quioscos destinados á venda doutros artigos non incluídos noutro epígrafe desta ordenanza. Por m ² e mes. PESETAS | 680 | 680 | 530 |

Normas de aplicación:

a) As contías establecidas na cota anterior serán aplicadas, integramente, ós dez primeiros metros cadrados de cada ocupación. Cada metro cadrado de exceso sufrirá un recargo do 10 por cento na contía sinalada na cota.

b) Para a determinación da superficie computable a efectos de aplicación da cota nos quioscos dedicados á venda de flores, ademais da superficie ocupada estritamente polo quiosco, terase en conta a superficie anexa utilizada para a exposición de plantas, flores e outros produtos análogos ou complementarios.

c) As contías establecidas na cota serán incrementadas un 10 por cento cando os quioscos comercialicen artigos en réxime de expositores en depósito.

Artigo 6.º .-Normas de xestión.

1.-A taxa regulada nesta ordenanza é independente e compatible coa taxa por ocupación de terreos de uso público por mesas e cadeiras con finalidade lucrativa.

2.-As cantidades esixibles de acordo á cota liquidaranse por cada aproveitamento solicitado ou realizado e serán irreductibles polos períodos naturais de tempo sinalados nos respectivos epígrafes.

3.-As persoas ou entidades interesadas na concesión de aproveitamentos regulados nesta ordenanza deberán solicitar previamente a correspondente licencia, realiza-lo depósito previo a que se refire o artigo 3.º e formular declaración na que conste a superficie do aproveitamento, achegando un plano detallado da superficie que se pretende ocupar e da súa situación dentro do municipio.

4.-Os servizos técnicos deste Concello comprobarán e investigarán as declaracións formuladas polos interesados, concedéndose as autorizacións de non encontrar diferencias coas peticións de licencias; se se deran diferencias, notificaranse as mesmas ós interesados e xiraranse, no seu caso, as liquidacións complementarias que procedan, concedéndose as autorizacións unha vez emendadas as diferencias polos interesados e, no seu caso, realizados os ingresos complementarios que procedan.

5.-No caso de denegarse as autorizacións, os interesados poderán solicitar a este Concello a devolución do importe ingresado.

6.-Non se consentirá a ocupación da vía pública ata que sexa aboado o depósito previo a que se refire o artigo 3.2. a) e se obtivese a correspondente licencia polos interesados. O incumprimento deste mandato poderá dar lugar á non concesión da licencia, sen prexuízo do pagamento da taxa e das sancións e recargos que procedan.

7.-Unha vez autorizada a ocupación entenderase prorrogada mentres non se acorde a súa caducidade pola Alcaldía ou se presente baixa xustificada polo interesado ou polos seus lexítimos representantes no caso de falecemento.

8.-A presentación de baixa producirá efectos a partir do primeiro día do período natural de tempo seguinte sinalado no epígrafe da cota que corresponda. Sexa cal sexa a causa alegada en contra, a non presentación da baixa determinará a obriga de continuar aboando a taxa.

9.-As autorizacións terán carácter persoal e non poderán ser cedidas ou subarrendadas a terceiros. O incumprimento deste mandato dará lugar á anulación da licencia.

Artigo 7.º .

Esta ordenanza comezará a rexe-lo 1 de xaneiro de 1999, conforme establece a Lei 25/1998, do 13 de xullo.

ANEXO QUE SE CITA

Primeira categoria: praias municipio.

Segunda categoria: rúas de Porto do Son e Portosín.

Terceira categoria: rúas do resto do municipio.